





# ЎЗБЕКИСТОН ХАЛҚ ДЕМОКРАТИК ПАРТИЯСИНИНГ ЎЗБЕКИСТОН РЕСПУБЛИКАСИ ПРЕЗИДЕНТИ САЙЛОВИДА ФАОЛ ИШТИРОКИНИ ТАЪМИНЛАШ ТЎҒРИСИДА

Ўзбекистон Халқ демократик партияси Марказий Кенгаши раиси, Ўзбекистон Республикаси Олий Мажлиси Қонунчилик палатасидаги партия фракцияси раҳбари Хатамжон Кетмоновнинг Ўзбекистон ХДП Х қурултойидаги маърузаси

(Давоми. Бошланиши 2-бетда).

**Биз, ўз олдимиғизга қўйган бундай мақсадларни самарали амалга ошириш ва уларга эришиш учун қуйидаги йўналишларни устувор, деб ҳисоблаймиз.**

**Биринчидан, аҳоли бандлигини таъминлаш тизимини доимий тақомиллаштириб бориш зарур.** Хусусан, меҳнат бозоридаги талаб-таклифни тўлиқ ҳисобга олиш, ҳудудларни ижтимоий-иқтисодий ривожлантириш дастурларини тузишда ҳудуднинг жорий ва истиқболдаги ривожланиш йўналишларини аниқлаштириш, касб-хунар коллежлари йўналишларини белгилашда ташкил этилаётган корхона ва тадбиркорлик субъектларининг кадрларга бўлган эҳтиёжини ҳисобга олиш лозим.

Бундан ташқари, ижтимоий-иқтисодий дастурларни амалга ошириш давомида барқарор иш ўринларини яратиш кўрсаткичлари мазкур дастурларнинг муҳим мезонларидан бири бўлишига эришиш керак.

Ушбу мақсадда, авваламбор, муносиб иш ҳақи тўланадиган барқарор иш ўринларини тақдир этиётган корхоналарда, хусусан, юқори технологик тармоқ корхоналари, хизмат кўрсатиш ва сервис соҳасида меҳнатга лаёқатли аҳоли бандлигини таъминлаш бўйича савий-харакатларни фаоллаштириш лозим.

Бу йўналишдаги муҳим масала — меҳнатга лаёқатли аҳолини иш билан таъминлаш, бир марталик вақтинча иш билан банд бўлган шахслар меҳнат фаолиятининг қонуний асосларини тақомиллаштиришдир.

Яна бир муҳим масала, касб-хунар коллежи битирувчиларига, уларнинг муқтадил бандлигини таъминлаш ҳамда яқин тартибдаги меҳнат ва тадбиркорлик фаолиятини рағбатлантириш учун мақбул шароитлар яратиш, истиқболли ишлаб чиқаришни ривожлантириш бўйича инвестиция дастурларини ишлаб чиқишда, уларнинг ўрта махсус, касб-хунар ва олий маълумотли мутахассисларни тайёрлаш дастурлари ҳамда ҳудудий бандлик дастурларига боғлиқлигини таъминлашдир. Шунингдек, муносиб иш ҳақи ва меҳнат шароитига эга бўлган кўшимча барқарор иш ўринлари яратилган тадбиркорлик субъектларини рағбатлантириш мақсадида солиққа тортиш тизимини мақбуллаштириш, бунда, айниқса, кичик бизнес, касаначилик ва оилавий тадбиркорликни янада ривожлантириш орқали хотин-қизлар бандлигини таъминлаш масалаларига ҳам эътибор қаратиш талаб этилади.

**Иккинчидан, иқтисодий сиёсатдаги асосий устуворлигимиз, бу — давлатимизнинг иқтисодий-молиявий қудратини оширишни кучли ижтимоий сиёсат билан уйғунлаштириш орқали аҳолининг, хусусан, унинг эҳтиёжманд қатламларининг турмуш**

даражасини янада яхшилашга йўналтиришдан иборатдир.

Бунинг учун, аввало, замонавий техника ва технологиялардан фойдаланиш асосида хўжалик юритувчи субъектлар томонидан ишлаб чиқарилаётган товарлар ва хизматлар сифатини ошириш, таннархини пасайтириш, шунингдек, уларнинг экспорт имкониятларини кенгайтирувчи ва аҳолининг харид қобилиятини оширишга хизмат қилувчи рақобат муҳитини шакллантириш масалаларига эътиборни кучайтириш лозим.

Шуни алоҳида таъкидлаш жоизки, бугунги кунда иқтисодиётнинг жадал ривожланишини таъминлаш, янги иш ўринлари яратишнинг муҳим омил бўлган қурилиш соҳасини модернизация қилишга етарли даражада эътибор берилмапти. Қурилиш ташкилотларининг кенг ривожланиши, бу соҳада замон талабига жавоб берадиган мутахассислар, техника воситалари билан таъминланиши талаб даражасида эмас.

Хорижий давлатларнинг қурилиш ташкилотлари бугунги кунда пудрат хизматлари экспорт билан жадал шуғулланиб, ўз давлатига валюта тушумини ошираётган бир пайтда, миллий қурилиш ташкилотлари бундай имкониятга эга эмас ва бундай талабларга жавоб ҳам берадими.

Шунинг учун биз ўз Сайловолди дастуримизда ушбу масалаларга алоҳида тўхталиб, қатор тақлифларни илгари сурдик. Бизнингча, қурилиш ташкилотларининг моддий-техника таъминотини яхшилаш, янги технологияларни жорий қилиш, малакали мутахассисларни ёллашга имконият берувчи шароитлар яратиш мақсадида солиқ ююни камайитириш; собиқ тузум давридан бўён фойдаланиб келинаётган, эскирган қурилиш стандартлари, норма ва қоидалари ўрнига бутун дунёда амал қилиб келинаётган евроқодалар тизимига ўтиш лозим.

Қурилиш соҳаси ривожланиши истиқболларига мувофиқ, етарли даражада малакали мутахассисларни тайёрлаш масаласига эътибор қаратиш, уларни хорижий давлатларга малака оширишга юбориш бу соҳадаги дастлабки вазифалардан бўлмоғи лозим. Мазкур ислохотлар, авваламбор, янги инновацион технологияларни ва материалларни қўллаш, қурилиш хизмати бозорларида мамлакатимиз мутахассислари рақобатбардошлигини таъминлаш билан бирга, ўзбек компанияларининг хорижий қурилиш ва хизмат бозорларига чиқишларига шароит яратади.

Бундан ташқари, мамлакатимизда фаоллиқ юритаётган кичик корхоналарнинг йириклашишини рағбатлантирувчи солиқ сиёсатини юритиш, корхоналарнинг таснифига "ўрта корхона" тушунчасини киритиш лозим. Чунки қонунчилигимизда белгиланган кичик ва йирик корхоналар томонидан ундирилаётган солиқлар тизими-

нинг таҳлили шуни кўрсатмоқдаки, уларнинг янги ички маҳсулотдаги улуши ва давлат бюджетини шакллантиришдаги иштироки катта фарқ қилади. Жумладан, йирик корхоналар томонидан янги ички маҳсулотнинг 44 фоизи ишлаб чиқилиб, улардан 89,8 фоиз солиқ ва тўловлар ундирилган бўлса, кичик бизнеснинг янги ички маҳсулотдаги улуши 56,1 фоизни ташкил этиб, уларнинг солиқ ва бошқа тўловлари 10,2 фоизни ташкил этмоқда. Кичик корхоналар томонидан ишчиларга тўланадиган иш ҳақлари ҳам йирик корхоналар тўлаётганидан 2 бараваргача пастдир. Ҳозирги солиқлар ва имтиёзлар тизими кичик корхоналарнинг йириклашишига халақит қилмоқда.

Мазкур масалаларни тартибга солишда даставвал соҳага оид қонунчилик базасини тақомиллаштириш, хусусан, кичик корхоналар йириклашиш жараёнида катта солиқ юкламасига тушиб қолишининг олдини олиш мақсадида "ўрта корхона" тушунчасини киритиш, янги йирик, ўрта ва кичик корхоналар мезонларини белгилаш, кичик корхоналарнинг йириклашиши ва янада ривожланишга хизмат қиладиган солиқ ва имтиёзлар тизимини ишлаб чиқиш лозим.

Ўз ўрнида турли имтиёзларни бериш йўллари орқали иш берувчи ва ходим ўртасидаги норасмий меҳнат муносабатларини қонун доирасига киритиш, меҳнат муҳофазаси қоидаларини бузганлик учун эса тадбиркорларнинг масъулиятини ва жавобгарлигини ошириш ва давлат томонидан қаттиқ назорат ўрнатиш ҳам эътибордан четда қолмаслиги лозим.

Мазкур тақлифлар, шак-шубҳасиз, кичик корхоналар йириклашишига, янги иш ўринлари яратишга, мамлакатимиз янги ички маҳсулотининг ўсишига олиб келади, деб ҳисоблаймиз.

Шунингдек, тижорат банкларининг инвестициявий лойиҳаларни молиялаштиришдаги иштирокини янада кенгайтириш, хўжалик юритувчи субъектларни кредитлаш тизимини соддалаштириш, макроиқтисодий вазиятдан келиб чиқиб, фоиз ставкаларини минимал даражада белгилаш, муаммони қарзлар юзага келишига йўл қўймаслик ва банк хизматлари сифатини яхшилаш орқали уларнинг инвестициявий фаоллигини кучайтириш ҳам иқтисодий ислохотларнинг самарадорлигини оширишга хизмат қилади.

Шу билан бирга, истиқболли корхоналар ва ишлаб чиқариш комплексларининг ривожланиши учун бўш меҳнат ресурсларини жалб қилиш иқтисодий ўсишининг қўшимча омилга айланishiга олиб келади. Бунинг учун маҳаллий хом ашё ва материалларни қайта ишлаш корхоналарининг ички ва ташқи бозорда рақобатдош, юқори қўшимча қийматга

эга истеъмол товарларини ишлаб чиқаришни иқтисодий ва молиявий рағбатлантириш ва имтиёзли кредитлаш самарадорлигини ошириш, мамлакатда етиштирилаётган қишлоқ хўжалиги маҳсулотларини қайта ишлашни ривожлантириш мақсадида қишлоқ жойларда ушбу йўналишдаги оқилви тадбиркорлик ва касаначиликни рағбатлантиришни кучайтириш масалаларига эътибор қаратиш зарур бўлади.

Иқтисодиётнинг ижтимоий йўналтирилганлигини таъминлаш, аҳолининг кўпчилиги манфаатлари йўлида кучли ижтимоий сиёсатни амалга оширишда давлатнинг тартибга солувчанлик ролини мустаҳкамлаш, мазкур устуворликка амал қилган ҳолда, етакчи ижтимоий соҳаларнинг тижоратлашувини чеклаш, жамият барча аъзоларининг ишончли ижтимоий кафолатлари таъминланиши масалаларида бизнес масъулиятини ошириш бугунги куннинг талабидир.

**Учинчидан, кам таъминланган оилаларни манзилли ижтимоий ҳимоялаш сиёсатини изчил давом эттириш лозим.**

Бунда ижтимоий қўллаб-қувватлаш тизимини аҳолининг эҳтиёжманд қатламлари ўртасида боқимандалик кайфиятини бартафоз этишга қаратиш, уларнинг ташаббускорлигини рағбатлантириш, меҳнат ва тадбиркорлик фаолиятини қўллаб-қувватлаш ҳамда нафақалар ва моддий ёрдамни, асосан, кам таъминланган оилалар, ижтимоий ёрдамга муҳтож кексалар ва болаларга йўналтириш ниҳоятда муҳим масалалардир.

Яна бир муҳим масала, бугунги кунда партиямиз электротарининг асосий қатламини ташкил этувчи жисмоний имконияти чекланган, турли сабабларга кўра ногирон бўлиб қолган фуқароларимизнинг ижтимоий ҳаётга қиришларини учун барча шароитларни яратишдир.

Бугунги кунда ижтимоий объектларда, барча иншоотларда ногиронлар учун махсус кириш йўлига — пандуслар бўлиши даркор. Янги қуриладиган объектларни лойиҳалаш ишлари, шунингдек, қуриб битказилган объектларни фойдаланишга топшириш жараёнида ногиронлар уюшмаси иштироки қонунчиликда мустаҳкамлаб қўйилган бўлса-да, мазкур нормалар амалда ишланмапти. Аксарият биноларда ногиронлар учун пандуслар умуман йўқ, мавжуд бўлганларнинг аксариятидан фойдаланишнинг имкони йўқ. Пиёдалар йўлакчалари ҳам ногиронлар учун мосланмаган.

Мазкур масалаларни бартафоз этиш мақсадида қатор чораларни амалга ошириш, хусусан, мавжуд барча бино ва иншоотларни, айниқса, давлат идораларини ногиронлар қира олишлари нуктаи назардан хатловдан ўтказиш ва йўлакчаларни ногиронларга мослаш бўйича махсус

давлат дастурини қабул қилиш даркор, деб ҳисоблаймиз.

Шунингдек, маҳалланинг аҳолини ижтимоий ҳимоя қилишдаги ролини янада ошириш, ижтимоий аҳамиятга молик товарлар ва хизматлар нархини белгилаш устидан давлат ва жамоатчилик назоратини кучайтириш орқали нархлар ва тарифларнинг ўсиши инфляция даражасидан юқори бўлмаслигига эришиш, коммунал хизматларнинг камхарж шакллари кенгайтириш зарур. Хусусан, тармоқ муҳандислик инфратузилмаси билан боғлиқ бўлмаган коммунал хизматлар кўрсатишнинг арзон автоном (локал) шакллари ривожлантириш орқали аҳолига кўрсатиладиган хизматлар нархини мақбуллаштириш шулар жумласидан.

**Тўртинчидан, аҳолига юқори сифатли ва мақбул тиббий ёрдамдан кенг фойдаланиш имконияти ҳамда обод турмуш тарзини таъминлаш масаласи ҳам бизнинг диққат-марказимиздадир.**

Мазкур соҳада аҳоли, айниқса, оқил қишлоқ ҳудудларида бирламчи тиббий ёрдамдан кулай ва тез фойдаланиш имкониятини таъминловчи қишлоқ врачлик пунктлари тармоғини кенгайтириш, фармацевтика корхоналари ва дорихона муассасалари фаолияти ҳамда дори-дармон воситалари нархи устидан давлат ва жамоатчилик назоратини кучайтириш, дори воситалари рекламасини чеклаш масалаларини тақлиф этмоқдамиз.

Мамлакатимизда автотранспорт воситалари қўпайиб бораётганлиги натижасида йўллар, катта шаҳарларнинг кўчалари тирбанд бўлиб бораётганлиги ҳеч кимга сир эмас. Ушбу муаммони ҳал қилишнинг энг мақбул йўли пиёдалар йўлакларини капитал таъмирлаш, экологик тоза, соғлом турмуш тарзига замин яратувчи велоўйлақларни қуриш ва тегишли инфратузилмани яратишдан иборат, деб ҳисоблаймиз.

Ижтимоий масалалар ҳақида гапирганда, албатта, аҳолига, хусусан, ёш авлодга юқори даражада таълим олиш имкониятларини кенгайтириш ниҳоятда муҳим эканлигини таъкидлашимиз лозим. Бу борада, аввало, жамиятнинг барча қатламларига эркин ва тенг таълим олиш имкониятларини яратиш мақсадида минтақалардаги демографик ўзгаришларни ҳисобга олган ҳолда, мактабгача, ўрта, ўрта махсус, касб-хунар ва олий таълим муассасаларини олдиндан барпо этиш амалиётини янада ривожлантириш давр талаби ҳисобланади.

**Бешинчидан, биз учун демократик ҳуқуқий давлат ва очик фуқаролик жамиятини шакллантириш асосий вазифа ҳисобланади.** Ушбу мақсадда, аввало, қабул қилинаётган қонунлар ва бошқа қонун ҳужжатлари, давлат бошқаруви орган-

лари фаолияти натижаларини ошқо-ра ва конструктив муҳокама этишда фуқаролик жамияти институтлари иштирокини таъминлаш амалиётини изчил ривожлантириш, давлат ва фуқаролик жамияти институтлари ўртасидаги ижтимоий шериклик амалиётини кенг ривожлантириш зарур.

Шунингдек, фуқаролар ҳуқуқларини ҳимоя қилишнинг суд механизми оммабоплигини кенгайтириш ва мазкур масалаларда суд назоратини кучайтириш ҳисобига суд қарорлари ижроси сифатини ошириш, судларда ишларни кўриб чиқиш жараёнига ахборот-коммуникация технологияларини кенг татбиқ этиш, фуқароларнинг судга мурожаат қилиши ва суд ҳужжатларини олишнинг электрон тизимини жорий қилиш лозим.

**Олтинчидан, ташқи сиёсат масалаларида қуйидагилар тақлиф этилмоқда:**

кўшни мамлакатларга нисбатан очик ва прагматик сиёсат юритиш, улар билан савдо-иқтисодий ва маданий-гуманитар соҳаларда ўзаро манфаатли ва фойдали ҳамкорликни ривожлантириш, минтақадаги экологик вазиятни яхшилаш, Марказий Осиёдаги трансчегаравий дарёлар сув ресурсларидан оқилона фойдаланиш масалалари бўйича халқаро ташаббусларни илгари суриш борасидаги савий-харакатларни изчил давом эттириш ниҳоятда муҳим масалалардир.

Ташқи сиёсий фаолиятнинг муҳим вазифаси — Ўзбекистоннинг минтақавий ҳавфсизлик ва барқарорликни мустаҳкамлаш вазифаларини ҳал этишдаги фаол ва ташаббускор иштирокидир. Ушбу мақсадларда Марказий Осиё мамлакатлари, дунёнинг бошқа давлатлари, нуфузли халқаро ташкилотлар билан терроризм, экстремизм, наркотрафик, одам савдоси ва бошқа таҳдидларга қарши кураш масалалари бўйича ҳамкорлик муносабатларини ривожлантириш ва кучайтириш зарур.

**Ҳурматли қурултой делегатлари ва иштирокчилари!**

Қўриб турганингиздек, Ўзбекистон Республикаси Президентлигига Ўзбекистон Халқ демократик партиясидан кўрсатилаётган номзоднинг дастурини давлатимиз ҳар томонлама тараққий эттириш, олиб борилаётган барча йўналишдаги ислохотларнинг ижтимоий самарадорлигини ошириш, аҳоли турмуш даражасини юксалтириш, демократик ўзгаришларни чуқурлаштириш ва фуқаролик жамиятини ривожлантиришга қаратилган энг муҳим масалаларга камраб олинган.

Уларнинг рўёбга чиқарилиши, албатта, юртимиз ободлиги ва халқимиз фаровонлигига хизмат қилади.

Сўзимни яқунлар эканман, олдимизда турган шундай масъулиятли вазифаларни амалга оширишда сизларга мустаҳкам соғлиқ, куч-ғайрат тилайман.



**МАҚСАДИМИЗ —  
ХАЛҚИМИЗ ТУРМУШ  
ДАРАЖАСИНИ ЯНАДА  
ОШИРИШ!**



**ХАТАМЖОН КЕТМОНОВГА  
ОВОЗ БЕРИНГ!**

# ЕХХТ Демократик институтлар ва инсон ҳуқуқлари бўйича бюроси кузатувчилар миссияси ўз фаолиятини бошлади

(Давоми. Бошланғич 1-бетда).

Марказий сайлов комиссияси сайловчилар рўйхатини тузиш тартиби, номзодлар кўрсатиш ва уларни қўллаб-қувватлаб тўпланган имзо варақалари тўғриси тўлдирилганлигини текшириш тартиб-таомилини, сайловонли ташвиқоти ташкил этилишини ҳамда сайлов кампанияси молиялаштирилишини, шикоят ва аризалар қўриб чиқилишини, шу жумладан, маъмурий ҳуқуқбузарликлар расмийлаштирилишини, шунингдек, кузатувчиларнинг ҳуқуқлари ҳамда бурчларига оид масалаларни тартибга солувчи ҳужжатларни янгилади.

Учрашувда ЕХХТ Демократик институтлар ва инсон ҳуқуқлари бўйича бюроси миссияси фаолияти, унинг Ўзбекистонда сайловни кузатиш бўйича Марказий сайлов комиссияси билан ўзаро ҳамкорлигини ташкил этиш масалалари хусусида фикр алмашиди.

Таъкидлаш лозимки, Бюронинг сайловни кузатиш бўйича миссияси таркибига асосий гуруҳ билан бирга, 20 нафар узоқ мuddатли кузатувчи, овоз бериш кўни сайлов участкаларида кузатувни амалга оширадиган 250 нафар қисқа мuddатли кузатувчи киритилган. Жорий йилнинг 5 ноябрь кўни мамлакатимизга келадиган узоқ мuddатли кузатувчиларнинг вазифаси юртида, хусусан, жойларда сайлов жараёнининг турли босқичларини кузатишдан иборат. Кузатув нати-

жалари Бюрога сайлов жараёни ҳақида тўлалигича ҳисобот тузиш имконини беради.

Кайд этиш жоизки, Марказий сайлов комиссиясининг таклифи ҳамда мамлакатимизнинг мазкур муҳим сиёсий тadbирини халқаро стандартларга мувофиқ, очик ва ошқора ўтказишга тайёрлиги эътиборга олиниб, сайловни кузатиш бўйича тўлиқ тарихдаги миссия Ўзбекистонга илк мартаба юборилмоқда.

Кеча, шунингдек, ЕХХТ Демократик институтлар ва инсон ҳуқуқлари бўйича бюроси кузатувчилар миссияси раҳбари Петер Тейлер мамлакатимиз ва хоржий оммавий ахборот воситалари вакиллари учун матбуот анжумани ўтказди. Тадбирда у Президент сайловини кузатиш бўйича миссиянинг асосий вазифалари ҳақида тўхталди.

Аввал хабар қилинганидек, шу йилнинг 11 — 14 октябрь кўнлари Марказий сайлов комиссиясининг таклифи бўйича мамлакатимизда ЕХХТ Демократик институтлар ва инсон ҳуқуқлари бўйича бюроси Эҳтиёжларни баҳолаш миссияси фаолият олиб борди. У сайловга тайёрларлиги кўришнинг бориши ва сайловда жараёнини ўрганиди, Марказий сайлов комиссиясида, Олий Мажлис, Олий суд, Ташқи ишлар, Адлия вазирликлари, Инсон ҳуқуқлари бўйича миллий марказ, Ўзбекистон Матбуот ва ахборот агентлиги, Миллий телерадиокорпорацияси, шунингдек,

Олий Мажлисининг Инсон ҳуқуқлари бўйича вакили (омбудсман) идорасида учрашувлар ўтказди. Ҳуқуқорлик жамияти институтлари ҳамда сиёсий партиялар вакиллари билан мулоқот қилди. Уларга миллий сайлов тизими ва сайлов қонунчилиги ҳақида батафсил ахборот тақдим этилди.

Сайлов кампаниясининг барча босқичлари қўнучилик талабларига мувофиқ, очик ва ошқоралик таъминоти асосида ўтказилмоқда. Экспертлар Ўзбекистон ЕХХТ Демократик институтлар ва инсон ҳуқуқлари бўйича бюроси сайлов қўнучилигини тақомиллаштириш юзасидан қатор тавсиялари бажарилганини таъкидлашди.

ЕХХТ Демократик институтлар ва инсон ҳуқуқлари бўйича бюроси расмий веб-сайтида Эҳтиёжларни баҳолаш миссияси фаолияти яқунлари бўйича ҳисоботи эълон қилинди. Унда Ўзбекистоннинг сайловни умумэтироф этилган халқаро андозаларга мувофиқ ҳолда, очик-ошқоралик ўтказишга тайёрлигини, қолаверса, ЕХХТ Демократик институтлар ва инсон ҳуқуқлари бўйича бюроси тавсиялари бажарилганини инобатга олган ҳолда, мамлакатимизга тўлақонли кузатувчилар миссиясини юбориш мақсадаги мувофиқлиги тўғрисида қарор қабул қилинган қайд этилган.

Матбуот анжуманида таъкидланганидек, миссия таркибига ЕХХТнинг 21 иштирокчи-мамлакатидан илгари Ташкилот ҳудудида Демократик

институтлар ва инсон ҳуқуқлари бўйича бюроси миссияси таркибиде сайловни кузатишда бир неча мартаба иштирок этган экспертлар жалб қилинган.

— Биз Ўзбекистонда сайловнинг муваффақиятли ўтказилиши тарафдоримиз, — дейди миссия раҳбари П. Тейлер. — Ўтган давр мобайнида Ўзбекистон қўнучилиги ЕХХТ Демократик институтлар ва инсон ҳуқуқлари бўйича бюроси тавсиялари ҳамда умумэтироф этилган сайлов андозаларини ҳисобга олган ҳолда тақомиллаштирилган. Биз сиёсий тadbирни кузатишда сайлов жараёнининг ЕХХТ мажбуриятларига, бошқа халқаро ҳужжатларга, шунингдек, миллий қўнучиликка мувофиқлиги эътибор қаратамиз. Экспертлар сайлов комиссиялари ҳамда тегишли давлат органлари фаолиятини, қўнунлар ижроси ва сайлов жараёнида юзага келадиган баҳсли масалаларнинг ҳал қилинишини кузатиб боришди. Бундан ташқари, миссия оммавий ахборот воситаларида сайлов кампаниясининг ёритилишини мониторинг қилиб боради. Биз сиёсий партиялар, жамоат ташкилотлари, журналистлар, сайлов комиссиялари вакиллари билан учрашамиз. Ушбу ишимизнинг натижалари яқунли ҳисобот учун асос бўлиб хизмат қилади. Дастлабки ҳулосалар бўйича баёнотимиз сайлов қўнунинг эртасигаёк расман эълон қилинади.

**Эълон ХИДМРОВ,**  
«Халқ сўзи» мухбири.

(Давоми. Бошланғич 1-бетда).

Дарҳақиқат, Халқаро саноат ярмаркаси ва Кооперация биржасининг нуфузи йил сайин юксалиб, унга қизиқувчилар сони ҳам ортмоқда. Масалан, жорий йилги анжуманга 114 минг нафардан зиёд киши ташриф бурди. Улар орасида

фаолияти кенг таништирилиб, кейинги йилларда иқтисодийётимизда амалга оширилаётган ислохотлар туғайли қўлга киритилаётган ютуқлар, тармоқларда рўй бераётган янгиликлар, худудларнинг саноат салоҳияти хусусида батафсил маълумотлар тақдим этилди. Бундан ташқари, ярмар-

лакатимизда мазкур йўналишда амалга оширилаётган ислохотлар самараси, албатта. Ярмаркада виллоятимиз ишлаб чиқарувчилари ҳам фаол иштирок этди. Яъни унда 68 та саноат корхонаси қатнашган бўлса, яқунда улар томонидан 325 миллиард сўмликдан зиёд 152 та ички шартнома

# Манфаатли ҳамкорлик йўлидаги муҳим форум

Россия, Қозғистон, Туркманистон, АҚШ, Германия, Буюк Британия, Швейцария, Франция, Болгария, Хитой, Жанубий Корея, Япония, Ҳиндистон, Бирлашган Араб Амирликлари, Канада сингари 35 та мамлакатнинг 1000 дан ортиқ компания ҳамда корхоналари вакиллари борлиги диққатга сазовордир.

Шунингдек, ярмарка доирасида долзарб мавзуларда турли семинарлар учрашувлар, тақдимот маросимлари ташкил қилиниши ҳам аъна тусини олган. Х Халқаро саноат ярмаркаси ва Кооперация биржаси давомида етакчи саноат тармоқлари, ишлаб чиқариш субъектлари, кичик бизнес вакиллари ҳамда худудларнинг 52 та тақдимот маросими ўтказилди. Шу аснода қатнашчиларга тадбиркорлик субъектлари

қада тегишли вазирлик ва идоралар, тижорат банклари, суғурта ҳамда лизинг ташкилотлари томонидан консалтинг хизматлари кўрсатилгани ҳам иштирокчилар учун катта қулайлик яратди.

Жорий йилги тадбирда автомобилсозлик, транспорт-коммуникация, энергетика, кимё, геология, қурилиш, фармацевтика, озиқ-овқат, енгил саноат каби иқтисодийётимизнинг муҳим соҳалари вакиллари, ишбилармонлар, хоржий фирма ва компаниялар мутахассислари фаол қатнашди.

— Сўнги пайтларда Андижон виллояти саноати ҳам жадал тараққий этмоқда, — дейди виллоят ҳокимлигининг худудлари комплекси ривожлантириш йиғма ахборот-таҳлил бошқармаси мутахассиси Жаҳонқир Канолитдинов. — Бу мам-

имзоланди. Экспорт бўйича тузилган шартномалар ҳажми эса 52 миллион АҚШ долларини ташкил этди.

Форум яқунда, шунингдек, фаол иштирокчилар, энг яхши дизайн ва тақдимот маросимлари ўтказган компания ҳамда корхоналарга ташкилотчилар томонидан махсус диплом топширилди. Ана шундай эътирофга Олмалик кон-металлургия комбинати, «Агел» компанияси, «Ўзбекистон темир йўллари» ҳамда «Ўзимёсаноат» акциядорлик жамиятлари, «Узғросаноат-машхолдинг» холдинг компанияси сингари бир қатор ишлаб чиқариш тармоқлари ва саноати тараққий этиб бораётган худудлар сазовор бўлди.

**Дилшод УЛУҒМУРОВО,**  
«Халқ сўзи» мухбири.

## ЭЪЛОНЛАР

### «VIP REAL ESTATE» МҶМ

очик аукцион савдосига таклиф этади.

2016 йил 22 ноябрь кўни соат 11.00 да бошланғич баҳоси босқичма-босқич ошиб бориш тартибиде ўтказиладиган аукцион савдосига Суд департаменти Тошкент шаҳар ҳудудий бошқармаси томонидан хатланган қуйидаги мулклар тақдоран қўйилмоқда:

\* Ўзбекистон Республикаси Ҳарбий судининг 2015 йил 27 ноябрдаги 58-сонли ижро варақасига асосан хатланган, Тошкент шаҳри, Сергели тумани, Нилуфар кўчаси, 77/7-уйда жойлашган, умумий майдони 12829,0 кв. м., фойдаланиш майдони 11671,88 кв. м. бўлган ишлаб чиқариш цехлари ва омборхона бинаolari.

**Бошланғич баҳоси — 30 677 271 000 сўм.**  
\* Ўзбекистон Республикаси Ҳарбий судининг 2015 йил 27 ноябрдаги 62-сонли ижро варақасига асосан хатланган, Тошкент шаҳри, Сергели тумани, Нилуфар 1-тор кўчаси, 29-уйда жойлашган, умумий майдони 1436,40 кв. м., қурилиш ости майдони 540,92 кв. м. бўлган кўчмас мулк объекти.

**Бошланғич баҳоси — 403 091 695 сўм.**  
\* Ўзбекистон Республикаси Ҳарбий судининг 2015 йил 27 ноябрдаги 26-сонли ижро варақасига асосан хатланган, Тошкент виллояти, Бўстонлик тумани, «Чимён» ҚФЙ ҳудудида жойлашган, умумий майдони 286,20 кв. м., тураржой майдони 173,7 кв. м. бўлган дала-ховли.

**Бошланғич баҳоси — 393 670 782 сўм.**  
ЖИБ Тошкент шаҳар судининг 2011 йил 21 октябрдаги 1-531/2011-сонли ижро варақасига асосан хатланган:

\* Тошкент шаҳри, Мирзо Улуғбек тумани, Олтинтепа кўчаси, 202-уйда жойлашган, умумий майдони 184,2 кв. м.дан иборат хонадон.

**Бошланғич баҳоси — 355 817 000 сўм.**

\* Тошкент шаҳри, Мирзо Улуғбек тумани, Подшобог кўчаси, 61, 63-уйларда жойлашган, умумий майдони 1090,0 кв. м.дан иборат 2 қаватли хонадон.

**Бошланғич баҳоси — 1 900 129 000 сўм.**  
Аукцион савдосига қўйилган кўчмас мулклар билан тегишли туман СИБ вакили иштирокида бевосита жойига чиқиб танишиш мумкин. Аукцион савдоси голиби савдо ўтган санадан бошлаб 5 (беш) банк кўни мобайнида кўчмас мулк учун тўловни тўлиқ амалга ошириши лозим. Талабгорлардан аризалар иш кўнлари соат 10.00 дан 16.00 гача қабул қилинади ва аукцион савдосидан бир кун олдин соат 11.00 да тўхтатилади. Талабгорлар савдо ташкилотчиси билан тузиладиган закатат келишувига асосан, кўчмас мулк бошланғич баҳосининг 10 (ўн) фоиздан кам бўлмаган миқдордаги закатат пулини тўлов ҳужжатиде ижро ҳужжати рақами ва санасини кўрсатган ҳолда, «VIP real estate» МҶМнинг АТ «InfinBANK» Шайхонтохур филиалидаги МФО: 01041, СТИР: 302681189, 20208000600250595001 ҳисоб рақамига тўлашлари ва ариза билан қуйидаги ҳужжатларни топширишлари керак:

- юридик шахслар — давлат рўyxатидан ўтказилганлиги тўғрисидаги гувоҳнома нусхаси, агар ваколатли вакил қатнашса, ўрнатилган тартибда расмийлаштирилган ишончнома, унинг шахсини тасдиқлайдиган ҳужжат илова қилинган ҳолда;
- жисмоний шахслар — паспорт нусхаси;
- закатат пули тўланганлиги ҳақида тўлов ҳужжати;
- хоржий юридик ва жисмоний шахслар — сўмдаги маблағларининг келиб чиқиши қўнунийлигини тасдиқлайдиган маълумот.

Кўшимча хизматлар учун тўлов олинади.  
**Манзил: Тошкент шаҳри, Амир Темур 1-тор кўчаси, 6-уй.**  
**Телефон: (0-595) 143-0-143.**  
**Электрон почта: info@realtors.uz**  
Хизматлар лицензияланган.

## Истиқболли лойиҳалар

темир йўл тизими ривожига хизмат қилаяпти

(Давоми. Бошланғич 1-бетда).

Пировадиде жамиятнинг темир йўл станцияларидан 50,5 миллион тонна юк ортилиб, ўз манзилига етказилди. Юкларни ортқи ҳажми бир кеча-кундузда 184,5 минг тоннани ташкил қилди. Ташкилоти амалга ошириш ҳисобига юк айланмаси ҳажми 13,68 миллиард

тонна-километрга етказилди. Темир йўл хизматиде 15,8 миллион нафар йўловчи фойдаланган бўлса, 275,7 миллион АҚШ доллари миқдориде экспорт хизматлари кўрсатилди. Тизимдаги саноат корхоналариде эса таққослама нархларда 312,8 миллиард сўмлик маҳсулот ишлаб чиқарилди. Шунингдек, Инвестиция

дастурига мувофиқ, жамиятнинг молиялаштириш манбаси ҳисобидан 673,66 миллион доллар миқдорда капитал маблағлар ўзлаштирилиб, улар «Ангрен — Попянг» электрлаштирилган темир йўл линияси қурилиши», «Самарқанд — Бухоро йўналишида юқори тезликда ҳаракатланувчи поездлар ҳаракатини ташкил этиш»,

«Қарши — Термиз» темир йўл линиясини электрлаштириш, «Темир йўллари реабилитация қилиш» каби 30 та лойиҳа учун йўналтирилди.

Матбуот анжуманида «Ўзбекистон темир йўллари» АЖ томонидан галдаги режалар, истиқболдаги лойиҳалар хусусида ҳам маълумот берилди. Жумладан, темир йўлларда электрлаштириш жараёни ҳамда янги темир йўлларни қуриш, Тошкент шаҳрида эса метро қурилиши бўйича ишлар қизгин давом эттирилади.

**Д. ЖУМАБОВЕВ.**

## ТОШКЕНТ ДАВЛАТ ТЕХНИКА УНИВЕРСИТЕТИ

олий ўқув юртларига кирувчи абитуриентлар учун математика, физика, инглиз тили фанлари бўйича тайёрлов курслари очилганлигини эълон қилади.



Тайёрлов курсларида тингловчилар тўлов-шартнома асосида 1 ойдан 10 ойгача бўлган мuddатларда таълим олишлари мумкин. Аризалар 2016 йил 3 ноябрдан бошлаб қабул қилинади. Гуруҳларнинг шаклланишига қараб машғулотлар ташкил этилади. Курс машғулотлари ҳар бир фандан ҳафтасига камида 2 марта тингловчилар билан келишилган ҳолда ўтказилади. Тайёрлов курсларида университетнинг юқори малакали профессор-ўқитувчилари машғулотлар олиб боради.

**Тайёрлов курсларига таклиф этамиз!**

Маълумот учун телефонлар: (0-371) 246-08-32, 246-83-62, (+99894) 620-07-86.  
Манзил: Тошкент шаҳри, Олмазор тумани, Университет кўчаси, 2-уй.  
Мўлжал — метронинг «Беуруйи» бекати.

## Академик Маҳмуд Мирзаев номидаги БОҒДОРЧИЛИК, УЗУМЧИЛИК ВА ВИНОЧИЛИК ИЛМИЙ-ТАДҚИҚОТ ИНСТИТУТИ

2017 йил учун қуйидаги ихтисосликлар бўйича катта илмий ходимлар-изланувчилар институтига қабул эълон қилади.

Т/р	Ихтисослик шифри	Ихтисослик номи	2017 йил учун ажратилган ўринлар сони
06.00.00 — Қишлоқ хўжалиги фанлари			
1.	06.01.07	Мевачилик ва узумчилик	2

Талабгорлардан қуйидаги ҳужжатлар 2016 йил 15 ноябрга қадар қабул қилинади:

- институт директори номига ариза;
- паспорт нусхаси;
- маълумотнома (ходимларни ҳисобга олиш шахсий варақаси ва таржимаи ҳол);
- меҳнат дафтарчасининг белгиланган тартибда тасдиқланган нусхаси. Талабгор камида 2 йиллик илмий ёки илмий-педагогик иш стажига эга бўлиши зарур;
- олий таълим муассасасининг магистратура босқичи дипломи ёхуд фан номзоди дипломи ёки магистр даражаси жорий этилгунга қадар олинган олий маълумот тўғрисидаги диплом нусхаси;
- докторлик диссертацияси режасининг муфассал лойиҳаси;
- диссертация тадқиқотининг асосини ташкил этадиган илмий мақолалар (журналларда камида учта) ҳамда конференциялар, семинарлар ва давра суҳбатлари тўпламларига киритилган тезислар (камида иккита) рўйхати (3.4-шаклда), шунингдек, уларнинг нусхалари;
- талабгорнинг илмий ва илмий-педагогик фаолиятта

лаёқатини аниқлаш юзасидан ўтказилган тест синовидан ўтганлигини тасдиқловчи ОАК ҳужжатининг нусхаси;

- мавзунинг Ўзбекистон Республикаси Вазирилар Маҳкамаси ҳузуридаги Фан ва технологияларни ривожлантириши мувофиқлаштириш қўмитасининг мавзулар базасига киритилганлиги;
- етакчи олимлардан бирининг уни илмий маслаҳатчи сифатида белгиланган юзасидан розилик хати (етақчи олимнинг паспорт нусхаси илова қилинади). Бунда Ўзбекистон Республикаси Вазирилар Маҳкамаси ҳузуридаги Фан ва технологияларни ривожлантириши мувофиқлаштириш қўмитасининг мавзулар базасидан танлаб олинган мавзу бўйича, қойдага кўра «Олий ўқув юртидан кейинги таълим тўғрисида Низом»нинг 8-бандига мувофиқ, ушбу мавзунинг таклиф этган етакчи олим илмий маслаҳатчи бўлиши мумкин.

Талабгорлар қуйидаги фанлардан кириш имтиҳонларини топширишлари (кириш имтиҳонлари 2016 йил 1 — 20 декабрь кўнлари бўлиб ўтади):

- мутахассислик;
- Ўзбекистон тарихи;
- фанни билиш назарияси ва методологияси;
- чет тили (инглиз ёки немис).

Манзил: 111116, Тошкент виллояти, Зангиота тумани, «Гулистон» ҚФЙ, Чимкент йўли кўчаси.  
Телефонлар: (0-371) 220-24-42, 220-26-82. Факс: (0-371) 220-26-48.

## Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1167. 70 651 нусхадe босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

Телефонлар: **ТЕЛЕФОНЛАР:**  
Девонхона (0-371) 233-52-55;  
Котибият (0-371) 233-10-28; Эълонлар (0-371) 232-11-15.

Тахририятга келган қўлёзмалар тақриз қилинмайди ва муаллифга қайтарилмайди. Режама материаллари учун тахририят жавобгар эмас. Газета тахририят қўнун тармақларида терилди ҳамда оператор Ж. Тоғаев томонидан сақланади. Газетанинг полиграфик жиҳатдан сифатли чоп этилишига «Шарқ» нашриёт-матбаа акциядорлик компанияси масъул. Босмахона телефони: (0-371) 233-11-07.

• **МАНЗИЛИМИЗ:**  
100000,  
Тошкент шаҳри,  
Матбуотчилар кўчаси, 32-уй.  
Навбатчи муҳаррир — У. Файзиева.  
Навбатчи — Д. Солиқов.  
Мусаҳҳих — С. Исмолов.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎЗА якуни — 22.03 Топширилди — 22.05 1 2 3 4 5 6

## Халқ сўзи Народное слово

МУАССИСЛАР:  
Ўзбекистон Республикаси Олий Мажлиси Қўнучилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирилар Маҳкамаси